



ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎ ՆԱԽԱԳԱՀ

Հայաստանի Հանրապետություն, 0010, ք. Երևան, Տիգրան Մեծ 4, հեռ.՝ (+374 60) 830 840, (+374 60) 830 850
Էլ-փոստ՝ info@competition.am, վեբ կայք՝ http://www.competition.am

«26» 10 2022թ.

No 006645

«ՅՈՒՄԱԿՍ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ՏՆՕՐԵՆ ՊԱՐՈՆ ՄԻԽԱԻԼ ՅՈՒԽԱՆԱՆՎԻՆ (հասցե՝ ք. Երևան, Դեմիրճյան փող., 362., 1 ա)

Հարգելի՛ պարոն Յուխանյան,

Մրցակցության պաշտպանության հանձնաժողով 2022 թվականի հոկտեմբերի 13-ին ներկայացվել է հաղորդում (այսուհետ՝ **Հաղորդում**) այն մասին, որ «Յումակս» սահմանափակ պատասխանատվությամբ ընկերությունը (այսուհետ՝ **Ընկերություն**) 2022 թվականի հոկտեմբերի 1-ից սահմանել է լրացուցիչ վճար բոլոր ֆիզիկական անձանց համար: Մասնավորապես, համաձայն Հաղորդման՝ անկախ առաքանու բնույթից, չափից, քաշից և արժեքից Ընկերությունը գանձում է 7 000 դրամ /մոտ 18 դոլար/ լրացուցիչ վճար (այսուհետ՝ **Լրացուցիչ վճար**) յուրաքանչյուր առաքանու համար, որի շրջանակներում քննարկվում է տնտեսական մրցակցության բնագավառում իրավախախտման վերաբերյալ վարույթի հարուցման առիթի առկայության հարցը:

Այդ կապակցությամբ, ղեկավարվելով «Տնտեսական մրցակցության պաշտպանության մասին» օրենքի (այսուհետ՝ Օրենք) 43-րդ հոդվածի 2-րդ մասով՝ խնդրում ենք սույն գրությունը ստանալու օրվանից 2 օրվա ընթացքում Հանձնաժողով ներկայացնել հետևյալ տեղեկատվությունը.

1. արդյո՞ք Ընկերությունը գանձում է Լրացուցիչ վճարը: Դրական պատասխանի դեպքում անհրաժեշտ է նշել նաև Ընկերության կողմից Լրացուցիչ վճարի գանձման սկզբնաժամկետի ամսաթիվը,
2. ո՞ր ծառայության դիմաց է գանձվում Լրացուցիչ վճարը,
3. ինչպե՞ս է Ընկերության ծառայություններից օգտվողը տեղեկանում Լրացուցիչ վճարի մասին:

Տեղեկացնում ենք նաև, որ.

1. «Նորմատիվ իրավական ակտերի մասին» օրենքի 31-րդ հոդվածի 2-րդ մասի համաձայն՝ տարիներով, ամիսներով կամ օրերով հաշվարկվող ժամկետների ընթացքն սկսվում է այն օրացուցային տարվա, ամսվա, ամսաթվի կամ վրա հասած իրադարձությանը հաջորդ օրվանից, որով որոշված է դրա ժամկետի սկիզբը:

2. Օրենքի 43-րդ հոդվածի 4-րդ մասի համաձայն՝ տնտեսավարող սուբյեկտի հիմնավոր միջնորդության հիման վրա Հանձնաժողովի նախագահի գրությամբ կամ Հանձնաժողովի որոշմամբ սահմանված տեղեկատվության ներկայացման ժամկետը համապատասխանաբար կարող է Հանձնաժողովի նախագահի գրությամբ կամ Հանձնաժողովի որոշմամբ երկարաձգվել, և տեղեկատվությունը ենթակա է տրամադրման այդ ժամկետում:

3. Օրենքի 43-րդ հոդվածի 6-րդ մասի համաձայն՝ Հանձնաժողովի կողմից փաստաթղթեր, նյութեր և այլ տեղեկատվություն պահանջելու իրավաչափությունը տնտեսավարող սուբյեկտը կարող է վիճարկել միայն այն չտրամադրվելու դեպքում՝ Հանձնաժողովի կողմից պատասխանատվության միջոց կիրառելու մասին որոշման վիճարկման շրջանակում:

4. Օրենքի 93-րդ հոդվածի 8-րդ մասի համաձայն՝ տնտեսավարող սուբյեկտի կողմից Հանձնաժողովի նախագահի գրությամբ կամ Հանձնաժողովի որոշմամբ կամ օրենսդրությամբ սահմանված փաստաթղթեր - կամ այլ տեղեկատվություն սահմանված ժամկետում չներկայացվելու կամ ոչ հավաստի կամ ոչ ամբողջական տեղեկություններ ներկայացվելու համար նշանակվող տուգանքի չափը կազմում է մինչև հինգ միլիոն դրամ:

5. **Հանձնաժողով փաստաթղթեր ներկայացնել և ստանալ, ինչպես նաև Հանձնաժողովի հետ հետագա ողջ հաղորդակցությունը կարող եք իրականացնել նաև առցանց՝ Հանձնաժողովի e-Compete էլեկտրոնային համակարգի (այսուհետ՝ Համակարգ) միջոցով, որի համար անհրաժեշտ է գրանցվել Համակարգում՝ մուտք գործելով Հանձնաժողովի պաշտոնական կայքի (www.competition.am) «Իմ էջը» բաժին, ընտրելով «Գրանցվել» հրամանը և լրացնելով անձի նույնականացման համար պահանջվող տվյալները:**

ՀԱՐԳԱՆՔՈՎ՝

ԳԵՂԱՄ ԳԵՎՈՐԳՅԱՆ